

Ўсн болн ўсър

кедг эдл-уш

1957-ч джил Элстин тосна заводт кех, кўцәх ик гидг кергүд бәәнә. Олн-әмтнәс 2000 тонн ўс орулдж авхвдн. 380 тонн ўс хулддж авхвдн. Хальмг таньгчин хотл. балгьсн — Элстиг болн өөр шидрәр бәәсн райодмудин олн-әмтиг тосн, ээзгә болн морожн, аль-бис әмтәхн, ўсър кедг эдл-ушиг ик гидгәр нәәгьинь олдж кехмн.

Мана заводт көдлдг улс эн джилә зурагъан цаглань кўцәхин кергт ўснә цехиг улм икдүләд, шин зер-зевәр теткәд, сән болдгар кехмн гидж оларн шиидвр батлв. Түнлә хамдан эн джил мана тосна заводт шин цехмүд кеддхмн. Тер цехмүд икдүлтхә гидж 100 миньгьн арслнъ мөнъг гаргьдж өгсн бәәнә.

Эн хамгиг кехд кергтә тоотинь цугинь хулдад авчквдн. Ўнинь келхд, мана завод эндр өдр зөвәр зовлнъгта бәәнә. Тер юнъгад гихлә, аль-бис эдл-уш кедж гаргьдг зер-зевнъ эләд, эвдрәд одсн бәәнә. Болсн бийнъ мана завод аль-бис кергтә, нөкцл болх эд-тавраң болн мөсн кўртлән белдәд авчкв.

Түүнәс нань Вознесеновк, Көглт, Приютн; Бүслүрт болн Троицк селәдәр ўс цуглулдж авдг гермүд (пунктс) гарсн бәәнә. Тер гермүдин хуучинь ясхд кергтә хамг юминь олад кўцәгьәд авчквдн.

Мана тосна завод теткгч 11 совхозмуд бәәнә. Тедн саалинь ўкрин неджәд-хошад фермсиннъ ўсиг мана заводт орулдж өгч, өрм-тосинь йилгьүлхмн.

ДОЛГИН К.

Элстин тосна заводин директор